

ҚИШЛОҚ ХАЖИЖАТИ

1991 йил 15 сентябрь

ЯҚШАНБА

№ 181 (5.224).

БАҲОСИ 8 ТИНИН

Ўзбекистон Коммунистик партияси Марказий Қўмитасининг рўзномаси

1974 йил 1 январдан чиқа бошлаган

◆ Хафтада беш марта чоп этилади



● Тошкент. Ўзбекистон Компартиясининг фавқулодда XXIII қурултойида.

Р. ПУРИДДИНОВ ва Р. ЖУМАНИЕЗОВ олган суратлар (ЎзТАГ).

Ўзбекистон Коммунистик партиясининг фавқулодда XXIII қурултойи тўғрисида АХБОРОТ

14 сентябрь кун Тошкент шаҳрида Ўзбекистон Коммунистик партиясининг фавқулодда XXIII қурултойи бўлди.

Эрталабки мажлисда делегатлар қурултойнинг раҳбар органлари — ҳайъат, котибият, таҳририят ва мандат комиссияларини сайладилар, кун тартиби ва иш тартибини тасдиқладилар.

Ўзбекистон Компартияси Марказий Комитетининг биринчи котиби Ўзбекистон Республикасининг Президенти И. А. Каримов «Ижтимоий-сиёсий вазият ва республика партия ташкилотларининг вазифалари тўғрисида» маъруза қилди.

Маъруза юзасидан музокараларда: Тошкент шаҳар партия комитетининг котиби Х. М. Абдураимов, Қорақалпоғистон Республикаси Олий Кенгашининг Раиси, республика партия комитетининг биринчи котиби Д. Н. Шамшетов, «Шарқ юлдузи» журналининг бош муҳаррири У. Хошимов, Олмалиқ кон-металлургия комбинатининг бош директори В. Н. Сигедин, Ўзбекистон Республикаси Президентининг маслаҳатчиси Т. А. Алимов, халқ депутатлари Учқудуқ район Советининг раиси, район партия комитетининг биринчи котиби В. К. Голованенко, уруш ва меҳнат фахрийлари Қашқадар вилоят кенгашининг раиси С. Усмонов, Алишер Навоий номи Самарқанд Давлат дорилфунуни ректори М. Ж. Жўрақулов, Андижон вилоятининг Комсомолбод районидagi 5-мактаб ўқитувчиси Ю. Умаров ўртоқлар сўзга чиқдилар.

Съезд Баёнот ва қарор лойиҳасини тайёрловчи комиссияни сайлади. Мандат комиссиясининг шу комиссия раиси У. О. Зокиров қилган маърузасини тинглади ва тасдиқлади.

Танаффусдан сўнг музокаралар давом этди, унда Ангор районидagi «Коммунизм» жамоа хўжалиги бошқаруvinинг раиси Р. О. Ёқубов, Ўзбекистон ЛКЕИ Марказий Комитетининг биринчи котиби А. Н. Носиров, Фарғона вилоят ижроия комитети раисининг ўринбосари А. Н. Возненко, Хива шаҳридаги 20-болалар уйининг директори В. Б. Пак, уруш ва меҳнат фахрийлари Фарғона вилоят кенгашининг раиси Б. И. Каримов, халқ депутатлари Тўртқўл район Советининг раиси, район партия комитетининг биринчи котиби Г. Н. Хожиев, халқ депутатлари Сурхондарё вилоят Советининг раиси, вилоят партия комитетининг биринчи котиби Х. Э. Бердиев сўзга чиқдилар.

Сўнгра делегатлар Ўзбекистон Компартияси фавқулодда XXIII қурултойи баёноти ва қарорини қабул қилдилар. Бу ҳужжатларда Ўзбекистон Коммунистик партияси КПСС таркибидан, унинг барча ташкилий тузилмаларидан чиққанлиги ва марказий органлардан ўз вакиллари қачириб олиши таъкидланган. Юз берган вазиятда Ўзбекистон Компартияси ҳозирги ҳолида иш олиб бораолмайди ва сифат жиҳатдан янги сиёсий ташкилотни — Ўзбекистон Халқ Демократик партиясини

тузишни, уни Коммунистик партиянинг ҳуқуқий вориси, деб эълон қилишни зарур деб ҳисоблайди.

Қабул қилинган баёнот ва қарорга мувофиқ янги партия таъсис қурултойини қачирини юзасидан ташкилот комитети Ҳаракат дастури, Низомини тайёрлаш ва ташкилий тузилмаларини ишлаб чиқиш комиссияси тузилди. Ташкилот комитетига жойларда муваққат комитетлар тузиб, барча ташкилий ва тушунтириш ишларини шу комитетлар орқали олиб бориш, Ҳаракат дастури ва Низом матбуотда эълон қилиниб, кенг муҳокама этилгандан сўнг партия аъзоларини қайтадан рўйхатга олиш, таъсис йиғилишларини, район, шаҳар ва вилоят конференцияларини қачирини масалаларини ҳал қилиш топширилди.

Қабул қилинган ҳужжатларда янги партия таъсис қурултойида ташкилий жиҳатдан расмийлаштирилиб, ҳуқуқий ворисликка доир барча масалалар ҳал этилгунга қадар ҳозир ишлаб турган барча партия тузилмалари сақланиб қолиши лозимлиги таъкидланади.

Қурултойда Ўзбекистон Республикасининг Президенти И. А. Каримов яқунловчи нутқ сўзлади.

Ўзбекистон Коммунистик партиясининг фавқулодда XXIII қурултойи шу билан ўз ишини тугаллади.

ИЖТИМОЙ-СИЁСИЙ ВАЗИЯТ ВА РЕСПУБЛИКА ПАРТИЯ ТАШКИЛОТЛАРИНИНГ ВАЗИФАЛАРИ ТЎҒРИСИДА

Ўзбекистон Компартияси Марказий Комитетининг биринчи котиби, Ўзбекистон Республикасининг Президенти И. А. Каримов маърузаси

Дўстлар, биродарлар! Авваламбор сизни, сиз орқали бутун республика аҳолисини, барча халқимизни бутун тарихий воқеа билан — Ўзбекистон мустақиллиги билан чин қалбимдан қутлайман ва мустақиллик йўлида ҳаммагизга, бутун халқимизга куч-қувват, омад тилайман.

Делегат ўртоқлар! 19—21 августдаги барбод бўлган давлат тўнтарини, шундан кейин рўй берган воқеалар, СССР Олий Советининг навбатдан ташқари сессияси ва мамлакат халқ депутатлари съезди ижтимоий-сиёсий вазиятнинг тубдан ўзгаришига олиб келди.

Бир ҳовуч муттаҳамлар уюштирган тўнтарини бошида, ноқулай маълумотлар маълум эди. Чунки унинг мақсадлари ва вазифалари, аввало барча халқларнинг турмушини янгилаш, интилишларига, жумҳуриятларнинг мустақиллик ва эркинликка, ўз диёрларида барча ҳаётий масалаларни ўзлари ҳал этиш йўлидаги, ўзларига ва ўз фарзандларига муносиб турмушни таъминлаш йўлидаги қонуний ва

табiiй истакларига тамомлаш эди.

Тўнтарини ташкилотчилари жамиятимизни қайта қуриш ва янгилаш жараёнини тўхтатиб қўйишга ҳаракат қилди. Миллионларча кишилар тақдирини қандай бўлишини ўйламадилар. Улар ҳозир халқимиз қандай мамлакатда яшаётганлигини, одамларда ўз қадр-қимматини, фуқаролик ва миллий онгини англаш туйғуси демократия, эркинлик ва мустақилликка интилиш туйғуси қанчалик жўш урганилигини тасаввур қилаолмадилар ва тасаввур қилишни истамадилар.

Аввал бошданок, бузилган ва оқибат натижада марказлаштирилган, казарма социализмга айланган эски маъмурий-буйруқбозликка асосланувчи партия — давлат тузуми, моддий турмушнинг ҳам, маънавий турмушнинг ҳам ривожланиш йўлида тўғаноқ бўлиб қолди. Ўз умрини яшаб бўлди ва эндиликда унга қайтадан йўл бўлиши мумкин эмас. Бугунги ҳақиқат ана шундай ва бундан ҳеч ким қочиб қутула олмайди.

Ҳа, тўнтарини ният қилган ва уюштирган кишилар,

мамлакатдаги бошбошдоқлик ва парокандалик чуққисига чиққан бир пайтдан фойдаланиб қолмоқчи бўлишди.

Чунки бутун сиёсий, иқтисодий ва ҳўжалик ҳаёти аслида бошқарилмай марказий ҳокимиятнинг обрўсига жуда жиддий путур етказиётганлиги, турмушнинг барча соҳаларидаги салбий аҳволдан, халқнинг норозилиги кун сайин ортиб, турмуш даражаси ниҳоятда ёмонлашиб, нарх-наво ошиб, пул қадрсиз бўлаётганлиги ҳаммамиз сезаямиз. Ишлаб топилган пулга ҳеч нарса сотиб олиш имконияти қолмапти. Интизом ва тартиб барбод бўлиб, жиноятчилик ортиб бораётган, очарчилик ва қаҳратон киши хавфи яқинлашиб келаётган пайтни улар ҳисобга олганлар.

Аммо қайта қуриш йилларида кўзи очилган халқини энди эски тузум доирасига «ҳайдаб» киритишга, унга эскича буйруқбозлик қилишга уриниш беҳудади. Тарих ғилдирагини орқага буриш йўлидаги ҳар қандай уринишлар барбод бўлиши аниқ.

Бутун мамлакат учун фожияли бўлган ўша кунларда жумҳурият раҳбарияти, партия, совет ташкилотлари,

корхона ва ҳўжаликларнинг раҳбарлари, халқ сайлаган депутатлар, барча софил кишилар халқимизни матонат ва оёйишталик кўрсатишга қачирдилар. Улар барқарор ижтимоий-сиёсий вазиятни сақлаш, жумҳурият ҳудудида фавқулодда аҳвол жорий этилишига йўл қўймаслик, Конституцияга қарши давлат тўнтаринини қўллаб-қувватлаш йўлидаги иттифоқорона қачирчиларга учмаслик учун ўзларининг бутун обрў ва таш-сирларидан фойдаланишга уриндилар.

Фаоллар билан учрашуларда, биз жумҳуриятнинг давлат мустақиллиги тўғрисидаги Декларация қондаларига, Конституцион тузум қондаларига қатъий риоя қилиш хусусида биргалишиб ишлаб чиқилган мавқеимизни изчиллик ва қатъият билан ҳимоя қилдик. Биз халққа марказдан ҳар қандай кўрсатмалар берилишига, дағдағалар қилинишига, ҳар қандай ваъдалар берилишига, ҳар қандай қачирчиларга қарамай ҳар қандай вазиятда ҳам, ўз

(Давоми иккинчи бетда).

ҚУРУЛТОЙНИНГ РАҲБАР ОРГАНЛАРИ

ПРЕЗИДИУМ

Абдурахмонов Ж.
Абдурахмонов П. М.
Абдулосиқов А.
Айдарқулов А. А.
Алламуродов Б. А.
Бобоқонов О. А.
Бердиев Х. Э.
Буқурова У. С.
Ефимов А. С.
Едгоров Д. С.

Икромов А. И.
Исамуҳамедов Х. О.
Йўлдошев Ш. М.
Каримов Б. И.
Каримов И. А.
Каримова М. Х.
Каримова Т. Р.
Мамарасулов С.
Маматов Р.
Маршалов Е. А.

Маткаримова П. О.
Мирсаидов Ш. Р.
Носиров А. Н.
Париева Г. С.
Сайдалиев С. Д.
Сандов М.
Санақулов З.
Сигедин В. Н.
Солхубоев С. Ш.
Турсунов Э. Т.

Усмонов С.
Фозилбеков А. И.
Фозилов Г.
Хидиров Т. П.
Худойберганава О.
Худойберганава Р. М.
Шамшетов Д. Н.
Юсупов К.
Юсупов Э. Х.
Ғаниев А. Ф.
Ғаризбоева Т. Б.
Ҳакимов Б. Ж.
Ҳолимураев Қ. Х.
Ҳошимов Ҳ.

КОТИБИЯТ

Алесич И. П.
Коновалова В. Я.
Набиев Қ.

Сандов Қ.
Тоиров Қ.
Шарипов З.

Юсупов М.
Қўзйбоева М. М.

ТАХРИР КОМИССИЯСИ

Аъзамхўжаев А. А.
Ёқубов Г.
Йўлдошев Т.
Маҳмудова Ш. Н.

Мўлдабекова Ж.
Сафаров Р. А.
Соболев Г. И.
Қўрбонов Қ.

Ҳайитбоев Э. Қ.
Ҳасанов Э. М.
Хўжаааров У.

МАНДАТ КОМИССИЯСИ

Авезимбетова О. С.
Отамуродов Р.
Ахмадалиев А.
Ғабиллин В. Г.
Жўлдибоева В.
Ефимов Н. В.
Зокиров У. О.
Иноғомов Э. Р.

Қабиров Л. Б.
Қамолов Б. С.
Керимжатов Т. Ж.
Мирзиёев Ш. М.
Норматов Ж.
Низомитдинов Х. З.
Облоқулов С. А.
Пармонов О. Д.

Рўзиев Э. М.
Ҳолимураев Қ. Х.
Холов М. Х.
Хўжақулов У.
Эргашев А.
Эргашев Е. М.
Эшбобоева З.
Ғойиббоев Х.
Қозоқов Э. Н.

ИЖТИМОЙ-СИЁСИЙ ВАЗИЯТ ВА РЕСПУБЛИКА ПАРТИЯ ТАШКИЛОТЛАРИНИНГ ВАЗИФАЛАРИ ТЎҒРИСИДА

кин тараққийёт ҳуқуқларига бир тан-бир жон бўлиб албат-
та етиб борамиз. Яшасин, эркин мустақил Ўзбекистон.

Буюртма № 3989